

- *1. ضلع کٹھوعہ مانہ بدل پھٹن تے زمینی توداں غی زد مانہ آغے 7 افراد ہلاک جد کہ 5 دوجا زخمی ہو گیا ہیں۔
- *2. لیفٹنٹ گورنر نے کٹھوعہ مانہ قدرتی آفات سنگ بوا جانی نقصان غے بعد بچانو تے رلیف کاروائیاں غی مرکزی وزیر داخلہ نانہ جانکاری دتی ہے۔
- *3. وزیر اعلیٰ نے کٹھوعہ مانہ بدل پھٹن سنگ بوا جانی نقصان غا متاثرین نانہ فوری امداد مہیا کران غو اعلان کیو ہے۔
- *4. فوج غا کمانڈر لیفٹنٹ جنرل پراتیک شرما نے نگروٹہ مانہ کور گروپ سکیورٹی غی جائزہ میٹنگ غی صدارت کی ہے۔
- *5. محکمہ موسمیات نے آج تین آئندہ 19 اگست توڑی پہاری بارشاں تے بدل پھٹن غا اندیشاں غی پیشنگوئی کی ہے۔

خبران غی تفصیل نال پہلاں باغ علی طاہر۔

Kathua Cloudburst

آج سویرے ضلع کٹھوعہ مانہ بدل پھٹن تے پسی پین غا دو بکھ بکھ واقعات مانہ کہتوں کہٹ 7 افراد ہلاک جد کہ 5 دوجا زخمی ہو گیا ہیں۔ آکاشوائی جموں غا نمائندہ نے خبر دیتاں واں دسیو ہے جے راجباغ غا جودہ گھاٹی تے جنگلوٹ گرائیاں مانہ گذشتہ رات بوئی پہاری بارشاں غے دوران یہ واقعا پیش آیا۔ ضلع ترقیاتی کمشنر کٹھوعہ راجیش شرما سینئر سول تے پولیس عہدیداراں غے ہمراہ موقع ور پُجیا، تے بچانو اور رلیف غی کاروائی شروع کی گئیں۔ جودہ گھاٹی مانہ بوا بدل پھٹن غا واقع مانہ 5 افراد جاں بحق ہو گیا، تے کُجھ رہا نشی مکاناں نانہ وی نقصان پُجیو۔ استوں علاوہ جنگلوٹ علاقہ مانہ پسی پین غا اک واقع مانہ 2 افراد غی جان گئی ہیں۔ کٹھوعہ غا ڈپٹی کمشنر راجیش شرما نے مزید جانکاری دیتاں واں اس راہ دسیو۔۔۔ بانٹ۔۔۔ جودہ گھاٹی مانہ پولیس، ایس ڈی آر ایف تے مقامی رضاکاراں غی طرفوں جاری سانجی بچانو کاروائی غے بشکار 5 افراد نانہ ہسپتال پہرتی کرایو گئیو ہے۔ کٹھوعہ پولیس تھانہ غے تحت آن آلا باگڑ تے چنگڑ گراں نالے لکھنپور پولیس تھانہ غے تحت آن آلا دلوان تے ہٹلی گراں وی زمینی توداں غی زد مانہ آیا ہیں۔ البتہ اتوں کسے نقصان غی کوئے اطلاع نہیں ہے۔ زمینی توداں بارے جانکاری دیتاں واں جموں غا ڈویژنل کمشنر رامیش کمار نے اس راہ دسیو۔۔۔ بانٹ۔۔۔

LG/CM Grief

اسے دوران ایل جی منوج سنہا نے اس قدرتی آفت مانہ ہوا جانی تے مالی نقصان ور سخت صدمہ غو اظہار کیو ہے۔ اک سماجی میڈیا پوسٹ ور انہاں نے کہیو ہے انہاں نے فوج، این ڈی آر ایف، ایس ڈی آر ایف، پولیس تے انتظامیہ غی طرفوں کی جان آلی بچائو تے رلیف کا روائیاں بارے وزیر داخلہ امت شاہ نانہ وی جانکاری دتی ہے۔ وزیر داخلہ امت شاہ نے لیفٹنٹ گورنر منوج سنہا تے وزیر اعلیٰ عمر عبداللہ سنگ صورتحال ور گل بات کی ہے، تے مرکزی سرکار غی طرفوں مکمل تعاون غو یقین دوايو ہے۔ اُن غو کہنو تھو جے سرکار پو ری طرح نال جموں کشمیر غا لوکاں سنگ کھلی ہے۔ اواں وزیر اعلیٰ عمر عبداللہ نے ان واقعات ور ڈکھ ظاہر کرتاں واں تعزیت غو اظہار کیو ہے، تے فوری رلیف تے بچائو کا روائیاں غی ہدایت کی ہے۔ مرکزی وزیر ڈاکٹر جتندر سنگھ غو کہنو ہے جے سول، فوج تے نیم فوجی دستہ ان آفاقی واقعات تیں بعد سرگرم کردار آدا کر رہیا ہیں۔

CM ex Gratia

وزیر اعلیٰ عمر عبداللہ نے ضلع کٹھوعہ گا جو دھکھڑ تے جو ٹھانہ گرائیاں مانہ بدل پھٹن اور پسی پین غا واقعات مانہ ہوا جانی نقصان ور سخت ڈکھ ظاہر کیو ہے۔ متاثرین نانہ فوری امداد غی خاطر وزیر اعلیٰ نے چیف منسٹر رلیف فنڈ تیں امداد جاری کرن غو اعلان کیو ہے تے یاہ مالی امداد ایس ڈی آر ایف غی امداد تیں علاوہ ویگی۔ اس مالی امداد مانہ ہلاک شدگان غا حق مانہ 2/2 لکھ روپیاں غی امداد، جد کہ شدید زخمی افراد غا حق مانہ 1/1 لکھ روپیاں غی امداد شامل ہے۔ اس توں علاوہ معمولی زخمی افراد غا حق مانہ 50/50 ہزار روپیاں غی مالی امداد جاری کی گئی ہے۔ مکمل طور تباہ شدہ مکان واسطے 1 لکھ جد کہ شدید نقصان زدہ مکان غی خاطر 50 ہزار روپیاں غی امداد غو وی اعلان کیو گیو ہے۔ اس توں علاوہ جُزوی طور ور نقصان زدہ مکان واسطے 25 ہزار روپیاں غی مالی امداد مہیا کرانی جائیگی۔

VD Yatra suspended

موجودہ خراب موسم نانہ دیکھتاں واں شری ماتا ویشنو دیوی شرانین بورڈ نے عارضی طور ور 2 گھنٹاں واسطے یا ترہ غا اندراج نانہ اندراج کو نٹراں ور معطل رکھن غو فیصلو کیو ہے۔ یا تریاں نانہ کہیو گیو ہے جے وے عہدیداراں غی طرفوں کیا جان آلا اعلانات تیں واقف رہیں تے شرانین بورڈ تے مقامی انتظامیہ غی طرفوں جاری کی جان آلی ہدایتاں ور عمل کریں۔ شرانین بورڈ غو کہنو ہے جے یا تریاں غی حفاظت تے آرام نانہ یقینی بنان غی خاطر ضروری قدم چایا جا رہیا ہیں۔ معمول غے مطابق رجسٹرین موسمی صورتحال مانہ بہتری غے بعد شروع کی جائے گی تے یہ اقدام محفوظ یا ترہ جاری رکھن غی خاطر چایا جا رہیا ہیں۔

PTC Announcement

آکاشوانی جموں غا علاقائی خبراں غا شعبہ غی طرفوں ضلع جموں واسطے پی ٹی سی غی خاطر درخواست طلب کی گئی ہیں۔ اس سلسلہ مانہ مقرر کیا گیا پر فرما ور خواہشمند امیدواراں تیں درخواست طلب کی گئیں ہیں۔ آکاشوانی جموں واسطے پی ٹی سی غی درخواست دین آلا امیدوار غی عمر 24 تیں 50 بہراں بشکار بونی چاہیے، اس سلسلہ مانہ کہٹو نکھٹ لازمی تعلیم صحافت مانہ پی جی ڈپلومو یاہ ڈگری یا فرکسے تسلیم شدہ یونیورسٹی تیں گریجویشن غی ڈگری غے نال نال صحافت مانہ 2 بہراں غو تجربو ہونو ضروری ہے۔ اس غے نال نال امیدوار کمپیوٹر غی جانکاری وی رکھتو وے۔ امیدوار ضلع صدر مقام یاہ میونسپل حدود تیں

10 کلو میٹر غا دائرہ ماتہ رہا نش رکھتو ہونو چاہیے۔ تے اُمید وار ضلع جموں غو بسنیک ہونو چاہیے۔ اس ضمن ماتہ درخواست غی ہارڈ کا پی تمام ضروری کا غذات غے ہمراہ آکاشوانی جموں غا علاقائی خبراں غا شعبہ غا سربراہ غا دفتر ماتہ دستی طور ور **31 اگست 2025** بروز اتوار شام **6 بجے** تک پُچ جانی چاہیں۔ اس سلسلہ ماتہ تفصیلی جانکاری حاصل کرن واسطے متعلقہ ویب سائٹ غو استعمال کیو جا سکے۔ پتو اس طرح ہے

www.newsonair.gov.in

مزید خبراں نال عبدالمجید ور اُس تیں پہلاں یوہ پیغام (یہ خبر تم آکاشوانی جموں تیں سُن رہیا ہیں، تے یہ خبر مہاری ویب سائٹ نیوز آن آنیر ڈاٹ گوو ڈاٹ ان ور وی دستیاب ہیں، اس تیں یہ (خبر مہاری مو بائل ایپ تے ڈی ٹی ایچ ور وی دستیاب ہیں

Army Comdr Review

شمالی کمان غا فوجی کمانڈر لیفٹنٹ جنرل پراتیک شرما نے نگروثہ ماتہ فوج، پولیس، سی آر پی ایف تے دوجی سلامتی ایجنسیاں غا سینئر عہدیداراں سنگ کور گروپ سکیورٹی غی جائزہ میٹنگ غی صدارت کی۔ میٹنگ غے دوران اُنہاں نے خطہ ماتہ سلامتی ماتہ برقرار رکھن تے مسائل غا حل ماتہ بکھ بکھ افواج بشکار مربوط کوششاں تے مضبوط تال میل غی تعریف کی۔ اُنہاں نے امن تے سلامتی ماتہ یقینی بنان غی خاطر موثر طریقہ نال کم کرن واسطے تمام ایجنسیاں غا عزم ماتہ آجاگر کرتاں واں کہیو جے جموں کشمیر پھر ماتہ سلامتی کا روانیاں ماتہ مضبوط بنان واسطے اس طرح غو تعاون بہت ضروری ہے۔

Goga Navmi

گو کا نومی جس ماتہ گگا نومی وی کہیو جائے گوگا جی ماتہ وقف بندواں غو اک تہوار ہے۔ یوہ تہوار شمالی ہندوستان غا حصاں غی طرح ادھم پور ماتہ وی مذہبی جذبہ سنگ منایو گیو۔ ضلع پھر غا عقیدت منداں نے راجن منڈلیک مندران ماتہ جا غے پوجا کی۔ عقیدت منداں واسطے اج پرساد غے طور ور بھنڈاراں غو وی اہتمام کیو گیو تھو۔ چشوتی کشتواڑ ماتہ حال ہی ماتہ بدل پھٹن غا واقع ماتہ ہلاک ہون آلاں واسطے اس موقع ور عقیدت منداں نے پراتھنا کیں۔ آکاشوانی نیوز نال گل کرتاں واں اک عقیدت مند راگو سادھو ترا غو کہنو تھو۔ بانٹ۔

Drug Control

رام بن ماتہ منشیات غی روک تھام بارے محکمہ نے نفسیاتی تے عادت بنان آلی دوائیاں اور ضابطاں ماتہ نافذ کرن غی خاطر اک سخت مہم شروع کی ہے۔ اک مشترکہ ٹیم نے قانون غی مکمل تعمیل ماتہ یقینی بنان واسطے دوائیاں غی دکاناں غو معائنو کیو۔ فروخت غو ریکارڈ، اسٹاک یعنی ذخیرہ رجیسٹر تے دوائیاں غی معیاد غی آخری تاریخاں غی جانچ کی۔ اس مہم غو مقصد دوائیاں غا غلط استعمال تے غیر قانونی تقسیم کاری ماتہ روکنو ہے۔ حکام نے تمام طبی اداراں ماتہ ہدایت جاری کی ہیں جے وے سائیکو ٹراپک ادویات صرف درست نسخاں ور ہی بیچیں تے درست دستاویز اپنے کول رکھیں۔ یوہ قدم منشیات غا غلط استعمال ماتہ روکن تے خطہ ماتہ دوا سازی غا ذمہ دارانہ طریقاں ماتہ فروغ دین غا عزم ماتہ واضع کرے۔ اسسٹنٹ کنٹرولر ڈرگ رام بن سنجیو کمار گپتا نے کہیو۔ بانٹ۔

Weather

محکمہ موسمیات نے آج تیں 19 اگست توڑی جموں کشمیر یوٹی مانہ پہاری بارش ہون تے گرج چمک نال طوفان غی پیشنگوئی کی گئی ہے۔ محکمہ نے خبردار کیو ہے جے خراب موسم غی وجہ نال خطرہ آلا علاقان مانہ بدل پھٹن، چان چک سیلاب آن، لاس پسی پین، مٹی غا تودا تے پتھر آن جیسا واقعات غو امکان ہے۔ آکاشوانی جموں غا نامہ نگار نے خبر دتی ہے جے محکمہ موسمیات نے دسیو ہے جے صوبہ جموں غا کُجھ حصاں بشمول جموں، ریا سی، اُدھم پور، راجوری، پونچھ، سانبہ تے کٹھوعہ مانہ تیز بارش غو امکان ہے۔ جد کہ ڈوڈہ، کشتواڑ، رام بن تے صوبہ کشمیر غی کُجھ جگہیں تیز ہوا غے نال ہلکی تیں تیز بارش ہو سکے۔ لوکاں نانہ اس دوران کٹھاں، نالاں، دریاواں تے ان غے کنڈے جان اور غیر محفوظ ڈھانچاں تیں دور رہن غی تاکید کی گئی ہے۔ مسافراں، گڈیاں لاریاں آلاں، سیلانیان تے پہاڑاں غو سفر کرن آلاں نانہ وی تاکید کی گئی ہے جے وے سفر غی منصوبہ بندی احتیا ط کریں۔
